

Босна и Херцеговина  
**БРЧКО ДИСТРИКТ**  
**БОСНЕ И ХЕРЦЕГОВИНЕ**  
Комисија за хартије од вриједности



Bosna i Hercegovina  
**BRČKO DISTRIKT**  
**BOSNE I HERCEGOVINE**  
Komisija-Povjerenstvo za papire od  
vrijednosti

---

Босне Сребрне 28, 76100 Брчко Дистрикт Босне и Херцеговине, телефон: 049/232 540, 232 550, 231 880, телефакс: 049/231 891, e-mail: [khov.bd@teol.net](mailto:khov.bd@teol.net)  
Bosne Srebrne 28, 76100 Brčko Distrikt Bosne i Hercegovine, telefon: 049/232 540, 232 550, 231 880, telefaks: 049/231 891, e-mail: [pvjbd@elirspanic.net](mailto:pvjbd@elirspanic.net)

## **O D L U K A**

**O tarifi naknada koja se plaća u postupku  
pred Komisijom za papire od vrijednosti**

**Brčko, juli 2025.godine**

Na osnovu člana 65.stav 1.tačka 16. Zakona o papirima od vrijednosti („Službeni glasnik Brčko distrikta BiH“, broj: 15/03, 27/04, 42/04, 28/07, 14/12, 20/17, 8/19, 10/19, 32/19, 13/21, 45/22, 1/24 i 17/24), člana 6.stav 1. tačka 16. Statuta Komisije za papire od vrijednosti Brčko distrikta BiH („Službeni glasnik Brčko distrikta BiH“, broj:35/24-prečišćeni tekst), Komisija za papire od vrijednosti Brčko distrikta BiH, na svojoj 19. redovnoj sjednici održanoj dana 14.07.2025. godine, *donijela je* :

## **O D L U K U**

### **O tarifi naknada koje se plaćaju u postupku pred Komisijom za papire od vrijednosti Brčko distrikta BiH**

#### **A) Opće odredbe**

##### **Član 1.**

Ovom Odlukom se određuju visine naknada za odlučivanje o pojedinačnim zahtjevima pravnih i fizičkih lica, izdavanje odobrenja i dozvola, upis u registre koje vodi Komisija za papire od vrijednosti Brčko distrikta BiH ( u daljnjem tekstu: Komisija) i visine naknada za nadzor koje su dužna plaćati pravna lica nad kojima Komisija vrši nadzor i izvršava druge nadležnosti, određene:

- Zakonom o papirima od vrijednosti Brčko distrikta BiH - ZPOV („Službeni glasnik Brčko distrikta BiH“, broj: 15/03, 27/04, 42/04, 28/07, 14/12, 20/17, 8/19, 10/19, 32/19, 13/21, 45/22, 1/24 i 17/24),
- Zakonom o preduzećima Brčko distrikta BiH - ZP („Sl.glasnik Brčko Distrikta BiH“, broj: 22/2018-prečišćen tekst, 5/2020, 10/2022 i 31/2024),
- Zaknom o preuzimanju dioničarskih društava-ZPDD („Službeni glasnik Brčko distrikta BiH“, broj:31/05),
- Zakon o investicionim fondovima, („Službeni glasnik Brčko distrikta BiH“, broj: 30/07 i 18/17), i
- propisima Komisije.

##### **Član 2.**

Tarifa naknada je sastavni dio ove Odluke.

Obveznik plaćanja naknade je podnosilac zahtjeva, a obveznik naknade za nadzor su pravna lica nad kojima Komisija vrši nadzor.

Ako ovom Odlukom nije drugačije uređeno obaveza izvršenja plaćanja naknade nastaje s danom podnošenja zahtjeva.

##### **Član 3.**

Visina naknade, odnosno vrijednost osnove za visinu naknade se određuje u bodovima, osim ako ovom Odlukom i Tarifom naknada nije određeno drugačije.

Vrijednost boda iznosi 10,00 KM.

#### Član 4.

Dokaz o izvršenoj uplati naknade iz ove Odluke mora biti priložen uz zahtjev koji se podnosi. Iznos naknade, koji se plaća u KM, utvrđuje se množenjem broja bodova sa vrijednošću boda. Naknade su prihodi Komisije za papire od vrijednosti Brčko distrikta BiH, odnosno Brčko distrikta BiH i plaćaju se na jedinstveni račun Brčko distrikta BiH u skladu sa odlukom Direkcije za finansije Brčko distrikta BiH.

Za naknade koje se uplate za bilo koji od zahtjeva iz ove Odluke ne vrši se povrat, ako odlukom Komisije nije određeno drugačije.

Iznosi pojedinih naknada mogu se umanjiti odlukom Komisije, ovisno o stanju na tržištu kapitala.

#### Član 5.

Organi uprave i drugi organi koji vrše inspeksijski nadzor i druge vrste nadzora oslobođeni su od plaćanja naknade za izdavanje izvoda o podacima iz registara koje vodi Komisija ako podnosilac zahtjeva za njihovo izdavanje izjavi da će mu podaci služiti u svrhu obavljanja zakonom propisanih nadležnosti.

Naknade ne plaća podnosilac zahtjeva ako se zahtjev odnosi na podatke iz Registra koji Komisija vodi za podnosioca i ako podnosilac redovno plaća obaveze za vođenje registra Komisiji za papire od vrijednosti Brčko distrikta BiH.

Predsjednik Komisije može osloboditi od plaćanja naknade za izdavanje izvoda iz registara koje vodi Komisija, ako podnosilac zahtjeva za njihovo izdavanje potvrdi da će ih upotrijebiti u naučne ili stručne svrhe ili za informisanje javnosti.

Naknade se ne plaćaju ako je zakonom Brčko distrikta BiH predviđeno oslobađanje ili ako je oslobađanje predviđeno nekim drugim propisom Komisije.

#### Član 6.

Danom stupanja na snagu ove Odluke prestaje da važi Odluka o visini takse koja se plaća u postupku pred Komisijom za papire od vrijednosti („Službeni glasnik Brčko distrikta BiH“, broj: 14/07).

#### Član 7.

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 02-15.01-272 /25

Datum, 17.07.2025.godine

**Predsjednik  
Komisije za papire od vrijednosti  
Brčko distrikta BiH**

**Muamer Ahmetpahić, dipl. ecc**



## B) Tarife naknada

### 1. Naknade za odlučivanje po zahtjevima

#### Tarifni broj 1.

Za zahtjev:

za odobrenje emisije papira od vrijednosti javnom ponudom (ZPOV), naknada iznosi 0,15 % od ponudene nominalne vrijednosti ukupne emisije, ali ne manje od 100 bodova, a najviše 1.500 bodova.

#### Tarifni broj 2.

Za zahtjev:

za odobrenje emisije papira od vrijednosti putem zatvorene ponude (odobrenje skraćenog prospekta) (ZPOV), naknada iznosi 0,10 % od ponudene nominalne vrijednosti ukupne emisije, ali ne manje od 100 bodova, a najviše 1.000 bodova.

#### Tarifni broj 3.

Za zahtjev:

za produženje roka za upis i uplatu papira od vrijednosti putem javne ponude (ZPOV), naknada iznosi 100 bodova.

#### Tarifni broj 4.

Za zahtjev:

za odobrenje dopune, izmjene ili ispravke prospekta kod izdavanja papira od vrijednosti putem javne ponude (ZPOV), naknada iznosi 100 bodova.

#### Tarifni broj 5.

Za zahtjev:

za obavještenje o emisiji papira od vrijednosti koja se vrši bez odobrenja Komisije (ZPOV), naknada iznosi 100 bodova.

#### Tarifni broj 6.

Za zahtjev:

za odobrenje dopune, izmjene ili ispravke prospekta kod izdavanja papira od vrijednosti putem zatvorene ponude (ZPOV), naknada iznosi 50 bodova.

#### Tarifni broj 7.

Za zahtjev:

za odobrenje preuzimanja društva putem tender ponude (ZPDD), naknada iznosi 0,10% cjelokupne nominalne vrijednosti papira za koje je data ponuda, ali ne manje od 100 bodova, a najviše 1.000 bodova.

Ako je podnosiocu zahtjeva prije odobrenja preuzimanja izdato rješenje o utvrđivanju obaveze provođenja tender ponude naknada iz stava 1. ovog tarifnog broja uvećava se za 50%.

#### Tarifni broj 8.

Za zahtjev:

za odobrenje primarne emisije papira od vrijednosti na berzi (ZPOV), naknada iznosi 500 bodova.

Tarifni broj 9.

Za zahtjev:  
za odobrenje pravila i standarda samoregulirajućih organizacija (ZPOV), naknada iznosi 200 bodova.

Tarifni broj 10.

Za zahtjev:  
za izdavanje dozvole fizičkom licu za obavljanje poslova profesionalnog posrednika (ZPOV), naknada iznosi 100 bodova,  
za održavanje dozvole i nadzor nad radom fizičkog lica koje ima dozvolu za obavljanje poslova profesionalnog posrednika (ZPOV), naknada iznosi 60 bodova za jednu godinu dana.

Tarifni broj 11.

Za zahtjev:  
za izdavanje dozvole pravnom licu za obavljanje brokerskih poslova (ZPOV), naknada iznosi 1.000 bodova,  
za izdavanje dozvole pravnom licu za obavljanje brokerskih i dilerskih poslova (ZPOV), naknada iznosi 1.500 bodova,  
za izdavanje dozvole za obavljanje dilerskih poslova pravnom licu koje ima dozvolu za obavljanje brokerskih poslova (ZPOV), naknada iznosi 500 bodova,  
za održavanje dozvole i nadzor nad radom pravnog lica koje ima dozvolu za obavljanje brokerskih poslova (ZPOV), naknada iznosi 600 bodova za jednu godinu dana,  
za održavanje dozvole i nadzor nad radom pravnog lica koje ima dozvolu za obavljanje brokerskih i dilerskih poslova (ZPOV), naknada iznosi 900 bodova za jednu godinu dana.

Tarifni broj 12.

Za zahtjev:  
za izdavanje dozvole za obavljanje poslova investicionog savjetnika (ZPOV), naknada iznosi 300 bodova,  
za izdavanje dozvole pravnom licu koje ima brokersku i/ili dilersku dozvolu da može obavljati i poslove investicionog savjetovanja (ZPOV), naknada iznosi 300 bodova,  
za održavanje dozvole i nadzor nad radom investicionog savjetnika (ZPOV), naknada iznosi 100 bodova za jednu godinu dana,  
za održavanje dozvole i nadzor nad radom pravnog lica koje ima dozvolu za obavljanje poslova investicionog savjetovanja (ZPOV), naknada iznosi 100 bodova za jednu godinu dana.

Tarifni broj 13.

Za zahtjev:  
za polaganje stručnog ispita za profesionalnog posrednika-brokera/dilera (ZPOV), naknada iznosi 100 bodova.

Tarifni broj 14.

Za zahtjev:

za polaganje stručnog ispita za investicionog savjetnika (ZPOV), naknada iznosi 150 bodova,

za polaganje stručnog ispita za investicionog savjetnika, ako lice ima položen stručni ispit za brokera/dilera, naknada iznosi 50 bodova.

Tarifni broj 15.

Za zahtjev:

za odobrenje konverzije ili denominacije vrijednosnih papira, spajanja ili podjele dionica, za svaki zahtjev (ZPOV), naknada iznosi 100 bodova.

Tarifni broj 16.

Za zahtjev:

za izdavanje dozvole za osnivanje društva za upravljanje fondovima (ZIF), naknada iznosi 500 bodova.

Tarifni broj 17.

Za zahtjev:

prigovor protiv odluke Komisije o pokretanju postupka oduzimanja dozvole društvu za upravljanje fondovima (ZIF), naknada iznosi 100 bodova.

Tarifni broj 18.

Za zahtjev:

za odobrenje pravila upravljanja uzajamnim fondom ili njihovih izmjena i dopuna (ZIF), naknada iznosi 100 bodova.

Tarifni broj 19.

Za zahtjev:

za izdavanje dozvole za osnivanje investicionog fonda, za svaki fond (ZIF), naknada iznosi 1.000 bodova.

Tarifni broj 20.

Za zahtjev:

za izdavanje dozvole za upravljanje investicionim fondom ili izdavanje dozvole za upravljanje uzajamnim fondom (ZIF), naknada iznosi 1.000 bodova.

Tarifni broj 21.

Za zahtjev:

za izdavanje odobrenja za prenos upravljanja fondom na drugo društvo za upravljanje fondovima (ZIF), naknada iznosi 300 bodova.

Tarifni broj 22.

Za zahtjev:

za izdavanje dozvole za obavljanje poslova banke depozitara fonda (ZIF) ili dozvole za poslove banke depozitara u emisiji i prometu papira od vrijednosti, naknada iznosi 400 bodova,

za godišnje obnavljanje, za nadzor i održavanje dozvole za obavljanje poslova banke depozitara, naknada iznosi 200 bodova,  
za izdavanje dozvole za poslove skrbnika, naknada iznosi 500 bodova,  
za godišnje obnavljanje, za nadzor i održavanje dozvole za obavljanje poslova skrbnika, naknada iznosi 200 bodova.

Tarifni broj 23.

Za prijavu za registraciju emitenta papira od vrijednosti u registru emitenata kod Komisije (ZP), naknada iznosi 100 bodova.

Tarifni broj 24.

Za prijavu za upis promjene u registru emitenata kod Komisije (ZP), naknada iznosi 10 bodova.

Tarifni broj 25.

Za zahtjev:  
za odobrenje promjene oblika društva (ZP), naknada iznosi 300 bodova.

Tarifni broj 26.

Za zahtjev:  
za odobrenje spajanja, pripajanja ili podjele društva (ZP), naknada iznosi 300 bodova.

Tarifni broj 27.

Za zahtjev:  
za odobravanje smanjenja osnovnog kapitala društva (ZP), naknada iznosi 100 bodova.

Tarifni broj 28.

Za zahtjev:  
za odobravanje uslovnog povećanja osnovnog kapitala društva (ZP), naknada iznosi 100 bodova,  
za odobrenje promjene povećanja osnovnog kapitala, iz dobiti i/ili iz vlastitih sredstava, u registru emitenata kod Komisije (ZP), naknada iznosi 50 bodova.

Tarifni broj 29.

Za zahtjev:  
za izdavanje izvoda ili uvjerenja iz registra emitenata kod Komisije ili iz drugog registra kojeg vodi Komisija, naknada iznosi 5 bodova.

Tarifni broj 30.

Za zahtjev:  
za izdavanje duplikata rješenja, odluka ili uvjerenja izdatih u Komisiji, naknada iznosi 2 boda.

Tarifni broj 31.

Za ostale pojedinačne zahtjeve koji se podnose Komisiji, naknada iznosi 2 boda. Ako jedan zahtjev sadrži više različitih zahtjeva za koje je u skladu sa ovom Odlukom o tarifi naknada koje se plaćaju u postupku pred Komisijom za papire od vrijednosti Brčko distrikta BiH predviđeno plaćanje naknade, onda se za svaki dio zahtjeva posebno plaća predviđena naknada.

**2. Naknade za obavljanje nadzora**

Tarifni broj 32.

Naknada za obavljanje nadzora nad radom fonda i društva za upravljanje fondom (ZPOV, ZIF) iznosi 0,05% od prosječne godišnje neto vrijednosti imovine fonda kojim društvo upravlja.

Naknadu plaća društvo mjesečno do desetog dana u mjesecu.

Broj: 02-15.01-272/25  
Datum, 17.07.2025.godine

**Predsjednik  
Komisije za papire od vrijednosti  
Brčko distrikta BiH**

  
**Muamer Ahmetpahić, dipl.ecc**

